

ԿԱԹՈՂԻԿՈՍԱԿԱՆ ԸՆՏՐՈՒԹԻՒՆԸ

Մայիսի 3-5-ին ս. Էջմիածնում, մասնակցութեամբ 72 ձայների, կատարւեցին կաթողիկոսական ընտրութիւնները: Բոլոր 72 ձայներով ընտրւեց կաթողիկոսական առաջին թեկնածու գերապատիւ Մկրտիչ արքեպիսկոպոս Խրիմեան, կոչւած Հայրիկ, և որպէս երկրորդ թեկնածու՝ սրբազան Մատթէոս եպիսկոպոս Իզմիրլեան: «Մուրճ» ամսագիրը միանում է ազգի ընդհանրութեան հետ և լիապէս բաժանում ընդհանուրի բերկրանքը Խրիմեան Հայրիկի միաձայն ընտրութեան համար: Ուրախ ենք, որ «Մուրճ»-ը առանց որ և է տատանման առաջարկել էր որպէս կաթողիկոս ամենայն հայոց այն մեծ մարդուն, որը ընտրութիւնների հանդիսաւոր օրը ազգի բոլոր հոգեւորական և աշխարհական ներկայացուցիչների միաձայն հաւանութիւնը գտաւ: Մենք չենք կասկածում որ «Մուրճ»-ը որ և է չափով աջակցել է կաթողիկոսական խնդրի այդ ջաջող ելքին. դորա մէջ միխթարութիւն գտնելով, մեր մէջ զօրանում է վստահութիւնը որ նաև ապագայում՝ ազգի համար ծանրակշիռ խնդիրներում՝ մենք մեր ազգին կարող կը լինենք խելացի խորհուրդներով օգնել, արժանանալով ընթերցող հասարակութեան կողմից աւելի ևս ընդարձակ հաւատի դէպի մեզ:

ԽՄԲ.